

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03; 81/06, 94/07 i 24/08), člana 54. stava (1) točke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na 49. sjednici, održanoj 20. 5. 2024. godine, pod tačkom 8, donijelo je

## ZAKLJUČAK

1. Vijeće ministara Bosne i Hercegovine razmotrilo je Godišnji konsolidirani izvještaj interne revizije za 2023. godinu te s tim u vezi zaključilo:
  - Vijeće ministara Bosne i Hercegovine usvojilo je Godišnji konsolidirani izvještaj unutrašnje revizije za 2023. godinu te s tim u vezi zaključilo:
  - zadužuju se Direkcija za koordinaciju policijskih tijela Bosne i Hercegovine i Agencija za pružanje usluga u zračnoj plovidbi - BHANSA da poduzmu nužne aktivnosti na izmjeni pravilnika o unutrašnjoj organizaciji u dijelu koji se odnosi na unutrašnju reviziju;
  - zadužuju se Ministarstvo odbrane Bosne i Hercegovine, Ministarstvo sigurnosti Bosne i Hercegovine, Obavještajno-sigurnosna agencija Bosne i Hercegovine i Granična policija Bosne i Hercegovine, kod kojih nisu u potpunosti kadrovski popunjene jedinice unutrašnje revizije, da zajedno s Ministarstvom finansija i trezora Bosne i Hercegovine obezbijede sredstva i provedu procedure zapošljavanja unutrašnjih revizora u 2024. godini;
  - zadužuje se Ministarstvo finansija i trezora Bosne i Hercegovine da u saradnji sa Centralnom harmonizacijskom jedinicom Ministarstva finansija i trezora Bosne i Hercegovine osiguraju efikasno funkcioniranje i kontinuiran rad PIFC aplikacije u institucijama Bosne i Hercegovine, uključujući njeno održavanje i nesmetano funkcioniranje servera na kojem je instalirana PIFC aplikacija;
  - zadužuje se Centralna harmonizacijska jedinica Ministarstva finansija i trezora Bosne i Hercegovine da u okviru Godišnjeg konsolidiranog izvještaja izvijesti i o funkcioniranju i primjeni PIFC aplikacije u vršenju unutrašnjih revizija u institucijama Bosne i Hercegovine;
  - zadužuju se jedinice unutrašnje revizije da pravovremeno izrade i donesu, u skladu s propisima i rokovima odobrenim od Centralne harmonizacijske jedinice Ministarstva finansija i trezora Bosne i Hercegovine, strateške i godišnje planove rada kako bi se osigurali preduvjeti za potpunu zaposlenost unutrašnjih revizora;
  - zadužuju se rukovodioci institucija Bosne i Hercegovine da, u saradnji s jedinicama unutrašnje revizije, poduzmu dodatne mjere na realizaciji nerealiziranih preporuka unutrašnje revizije;
  - zadužuju se jedinice unutrašnje revizije u Ministarstvu sigurnosti Bosne i Hercegovine, Obavještajno-sigurnosnoj agenciji Bosne i Hercegovine, Ministarstvu civilnih poslova

Bosne i Hercegovine i Agenciji za pružanje usluga u zračnoj plovidbi - BHANSA da se u potpunosti pridržavaju propisa kojima je uređena oblast kontrole kvaliteta unutrašnje revizije u institucijama Bosne i Hercegovine, a da o rezultatima izvještavaju rukovodioca institucije i Centralnu harmonizacijsku jedinicu Ministarstva finansija i trezora Bosne i Hercegovine;

- poziva se institucija Predsjedništva Bosne i Hercegovine da potpiše Sporazum o vršenju funkcije unutrašnje revizije i Povelju unutrašnje revizije s Jedinicom unutrašnje revizije Ministarstva finansija i trezora Bosne i Hercegovine;
- poziva se Ustavni sud Bosne i Hercegovine da uspostavi funkciju unutrašnje revizije u skladu sa Zakonom o unutrašnjoj reviziji institucija Bosne i Hercegovine i Odlukom o kriterijima za uspostavljanje jedinica unutrašnje revizije u institucijama Bosne i Hercegovine;
- zadužuje se Ministarstvo finansija i trezora Bosne i Hercegovine da Godišnji konsolidirani izvještaj unutrašnje revizije za 2023. godinu dostavi Parlamentarnoj skupštini Bosne i Hercegovine;
- zadužuje se Ministarstvo finansija i trezora Bosne i Hercegovine da Godišnji konsolidirani izvještaj interne revizije za 2023. godinu dostavi svim institucijama Bosne i Hercegovine, zajedno s usvojenim zaključcima Vijeća ministara Bosne i Hercegovine.

2. Ovaj zaključak stupa na snagu danom donošenja i neće se objavljivati u „Službenom glasniku BiH“.

Broj: 05-07-1-1167-8/24  
Sarajevo, 20. 5. 2024. godine

M. P.

Predsjedavajuća  
Vijeća ministara Bosne i Hercegovine  
*Borjana Krišto*

